

UNITED STATES DISTRICT COURT
SOUTHERN DISTRICT OF FLORIDA

MIAMI DIVISION

PROSE NO.: 04-21351-CIV-MARTINEZ-BROWN

MARY ANN COLLIER, ARTHUR L.
WALLACE, ROY McGOLDRICK ak
ROBERT PINO

Plentif,

vs.

FRED O. DICKINSON, III,
CARL A. FORD, ak SANDRA
LAMBERT,

Defandan.

RÈGLEMAN AKÒ AK REZILYASYON

Plentif yo, MARY ANN COLLIER, ARTHUR L. WALLACE, ROY McGOLDRICK ak ROBERT PINO, anfavè de yo-menm ak tout lòt moun ki nan menm sitiasyon an (“Plentif”), ak Defandan yo, FRED O. DICKINSON, III, CARL A. FORD ak SANDRA LAMBERT (“Defandan”), fè deklarasyon ki suiv yo pou montre ke yo dakò antre nan konpromi pou yon aranjman si Tribunal la aprouve (“Regleman Akò”, oswa “Akò”).

KONSIDERAN

A. Plentif yo, anfavè de yo-menm ak tout lòt moun nan menm sitiasyon an inisyeyon aksyon kolektif kont Defandan yo, Fred O. Dickinson, III, Carl A. Ford ak Sandra Lambert, (“Konplent la”), ki mande dedomajman paske Defandan yo swadizan vyole *Lwa Proteksyon Enfòmasyon Prive chofè otomobil [Driver's Privacy Protection Act]*, 18 U.S.C. §§2721-2725 epi swadizan vyole atik Title 42 U.S.C. §1983 (“Aksyon an”).

B. *Lwa Proteksyon Enfòmasyon Prive chofè otomobil [The Driver's Privacy Protection Act]* (“DPPA” oswa “Atik la”) te dekrete an 1994, pou adresé kesyon enfòmasyon prive ak kesyon sekirite, paske piblik la te gen aksè san restriksyon nan enfòmasyon pèsonèl ki

soti depatman sikilasyon, e nan plizyè leta tankou nan Florida, te gen pratik leve anpil lajan lè leta vann enfòmasyon sa-yo. (*Konplent* nan ¶ 9). Ansanm ak lòt prevansyon, DPPA defann nenpòt kimoun an konesans de kòz, resevwa, devwale oswa itilize “enfòmasyon pèsonèl” oswa “enfòmasyon pèsonèl de gran enpòtans” ki chita nan papye rejistrasyon otomobil yon moun pou vann oswa pou lòt rezon DPPA pa otorize san konsantman spesyal moun nan. 18 U.S.C. §§ 2721 and 2725.

C. Selon Atik 42 U.S.C. § 1983, “nenpòt kimoun ki, anba pretèks lalwa, règ, òdonans, abitid, lizay, kelkeswa Leta oswa Teritwa Etazini oswa Distri Kolonbya, asijeti oswa koze nenpòt ki sitwayen ameriken oubyen lòt moun anba jirisdiksyon Etazini, vin asijeti a deprivasyon nenpòt dwa, provilèj, oswa garanti iminite dapre Konstitisyon ak lalwa, ap responsab vizavi moun ki soufri domaj la nan aksyon legal, prosè ekitab, oswa lòt fòm prosè pou dedomajman...”

D. Avan yo depoze plent e apre litij la kòmanse, avoka pou Plentif yo te mennen envestigasyon anrèg ak evalyasyon lwa aplikab nan fè ki prezante yo pou mezire merit reklamasyon Plentif yo ak tout reklamasyon potansyèl epi pou detèmine meyè fason pou sèvi enterè Plentif yo ak tout Group la ki defini anba a.

E. Nan evalyasyon ak litij kont Defandan yo, avoka Plentif yo revize milye dokiman Florida Department of Highway Safety and Motor Vehicled (“DHSMV”), Defandan yo, plizyè lòt moun, Defandan ki bay deklarasyon, ansyen Defandan ak ampli lòt moun te prezante.

F. Baze sou envestigasyon sa yo, bagay yo dekouvri, temwanyaj sou sèman, epi evalyasyon fè ak lwa konsènan problèm ki deklare nan pledwari a, Plentif yo ak Defandan yo dakò pou fè antant nan prosè a selon Aranjman yo fè nan akò sa-a pou yo konsidere eleman ki suiv yo: (1) Bènèfis pou Plentif yo ak Manm Group la dapre Aranjman sa-a. (2) risk imeda ak ensètitid litij, espesyalman nan prosè konplike tankou sa-a, ansanm ak difikilte epi delè ki

souzantandi nan litij konsa. (3) bezwen yo genyen pou finalize Aranjman an byen vit de fason pou yo antreprann dedomajman ki endike anba a nan yon tan adekwa; epi (4) limitasyon resous Defandan yo, sa-a ki rann rezolisyon Prosè a apropriye sou yon baz dedomajman ak enjonksyon nominal e kolektif.

G. Avoka Plentif yo detèmine ke Aranjman an ekitab, rezonab e adekwa paske li ofri benefis sibstansyèl pou Group la, epitou se nan meyè enterè Group la.

H. Defandan yo kareman renye yo fè anyen mal nan pledwari a epi yo pa admèt okenn fòt aktyèl ni potansyèl, move aksyon, responsabilite an koneksyon ak fè e reklamasyon ke moun te mete ni ke moun ta kapab mete kont yo nan Prosè, men yo konsidere bon pou fè antant sou Prosè epi deziste paske Aranjman an kapab: (1) ofri bèneefis pou Group la; (2) evite enteripsyon nan negòs ak lavi Defandan yo akòz delè epi defans nan Prosè a; (3) satisfè reklamasyon Plentif yo nan litij la; epi (4) evite depans sibstansyèl, traka and ensètitid ki asosye ak kontinue litije reklamasyon sa-yo.

KOUNYE, ALÒS, DEKLARASYON KI FÈT E KI AKSEPTE ANT Plentif yo, Defandan yo, ansanm ak DHSMV, ki ap aji ak bònfw a e sijè a aprobasyon Tribunal la selon Règ Federal Prosedi Sivil 23, ke tout reklamasyon kolektif ak Prosè kont Defandan yo ki idantifye nan konsideran anro a, antre nan konpromi, antant, rezilyasyon ak relach an akò ak tèm e kondisyon ke Tribunal la preskri.

AKÒ A

An konsiderasyon de agreman ak desizyon ki preskri anba a, Plentif yo ak Defandan yo (ansanm “Opozan yo”) dakò sou sa-a ki suiv:

1. **Definisyon:** Atik sa-yo pral genyen siyifikasyon Tribunal la preskri anba-a:

A. “Plentif” ak “Reprezantan Group” refere a MARY ANN COLLIER, ARTHUR L. WALLACE, ROY McGOLDRICK avèk ROBERT PINO, Plentif atitre nan prosè ki detaye anro-a.

B. “Defandan” refere a Defandan nan prosè a, FRED O. DICKINSON, III, CARL A. FORD ak SANDRA LAMBERT.

C. “Prosè” refere a aksyon sa-a ki detaye anro a, Mary Ann Collier, Arthur L. Wallace, Roy McGoldrick ak Robert Pino v. Fred O. Dickinson, III, Carl A. Ford ak Sandra Lambert, Case No. 04-21351-CIV-MARTINEZ-BROWN.

.D. “Group” refere a group ki sètifye nan akò pou kondisyon aranjman an sèlman kòm tout antite natirèl ki genyen yon lisans otomobil Florida, kat idantifikasiyon oswa rejistrasyon otomobil nenpòt ki peryod kòmanse 1 jen, 2000 rive 30 septanm, 2004.

E. “DPPA” refere a Lwa Proteksyon Enfòmasyon Prive chofè otomobil, yon lwa federal kodifye 8 U.S.C. §2721.

F. “42 U.S.C. §1983,” oswa “§1983” refere a lwa federal pou proteksyon dwa Konstitisyonèl e Federal tout moun, kodifye 42 U.S.C. §1983.

G. “Enfòmasyon Pèsonèl” vle di enfòmasyon ki idantifye yom moun, tankou foto, nimero sekirite sosyal, nimero idantifikasiyon chofè, non, adrès (pa senk nimero zip kod la) nimero telefòn, enfòmasyon dezabilite oswa medikal, men li pa enkli enfòmasyon sou aksidan otomobil, kontravansyon, e kondisyon lisans e ki gen menm sans ak sa-a ki preskri nan 18 U.S.C. §2725(3).

H. “Enfòmasyon Pèsonèl de Gran Enpòtans” sa-a vle di foto oswa imaj yon moun, nimero sekirite sosyal, enfòmasyon deszabilite oswa medikal epi ki gen menm sans ak sa-a ki preskri nan 18 U.S.C. §2725(4).

I. “Konsantman Eksprè” vle di konsantman alekri, tankou konsantman ki voye sou fòm elektrònik ki pote yon siyati elektrònik kòm defini nan seksyon 106(5) Lwa Piblik 106-229 epi ki gen menm sans ak sa-a ki preskri nan 18 U.S.C. § 2725(5).

J. “Dosye otomobil” vle di tout dokiman ki gen pou wè ak pèmi pou opere yon otomobil, tit propriété machin, rejistrasyon machin,, kat idantifikasiyon ki soti nan depatman sikilasyon, epi ki gen menm sans ak sa-a ki preskri nan 18 U.S.C. §2725(1).

K. “Moun” vle di endividé, òganizasyon, antite, men ki pa tankou leta, oswa ajans leta epi ki gen menm sans ak sa-a ki preskri nan 18 U.S.C. §2725(2).

L. “DHSMV” refere a Department of Highway Safety and Motor Vehicles Leta Florid, ki se yon “depatman sikilasyon Leta,” nan sans DPPA endike. DHSMV pa ankòz nan prosè sa-a, men li vin kontre ak objektif limite pou finalize kondisyon Aranjman an sèlman.

M. “Aranjman” refere a Regleman Akò sa-a.

N. “Devwale” (tankou “devwale” e “re-devwale”) nan kesyon enfòmasyon pèsonèl, tankou, men pa limite a, relach la, disponiblite oswa komunikasyon, oswa aksè, an antye oswa an moso de nenpòt pòsyon enfòmasyon sou nenpòt ki fòm nenpòt ki manyè.

O. “Avoka Group” vle di: Asistan Avoka anchèf Tod Aronovitz de kabinè Aronovitz Jaffe ak Asistan Avoka anchèf David D. Welch de kabinè David D. Welch Law Offices; Joel S. Perwin de kabinè Joel S. Perwin, P.A.; Lawrence D. Goodman ak John W. Devine de kabinè Devine Goodman Pallot Rasco & Wells, P.A.; Peter A. Portley de kabinè Portley and Sullivan, P.A.

P. “Tribinal” refere a United States District Court pou Southern District of Florida, Miami Division.

2. **Kosideran ak Definisyon Enkòpore:** Kosideran ak definisyon sa-yo antre danble an referans kòm pati de aranjman ant Opozan yo.

3. **Dat Efektif:** Aranjman sa-a ap konsidere kòm ekzekite nan dènye dat tout moun enplike apoze siyati yo. Aranjman sa-a efektif jou tout Opozan yo ekzekite li, menmsi li fèt an plizyè moso selon paragraf 22 anba a, epi aprobasyon Tribunal la ak tout objeksyon fin konsidere.

4. **Dat Rgleman:** "Dat Akò" pou Prosè a se dat apre chak nan aksyon ak kondisyon sa-yo rive oswa satisfè :

- A. Tout Opozan yo ekzekite Akò a;
- B. Tribunal la bay lòd (i) pou finalman aprouve akò a san okenn modifikasyon oswa ajou apa de fason Opozan yo antann yo, enkli tout konsiderasyon ak dokimantasyon ki preskri nan Akò a, (ii) relache Defandan yo kòm preskri nan akò a; epi (iii) demonte Prosè a ak prejidis ansanm ak tout reklamasyon ki ladan;
- C. Tout provizyon Aranjman Akò sa-a ki nesesite aprobasyon Lejislati Florid aprouve kòm sa dwa.
- D. Sibstansyalite lòt prosè an sispan ki menm jan an ant Leta Florid, DHSMV ak Depatman Lajistis Etazini ki referanse nan sèten lèt Depatman Lajistis date 3 janvye 2008, nan kopi yo atache kòm Prèv "F", fin rezoud amwenske Defandan yo renonse a lekri; epi
- E. Amwenske lè Opozan yo dakò otreman a lekri pou renonse tout oswa pòsyon provizyon ki suiv yo, vin genyen: (i) eksipirasyon tan pou ale nan apèl kont Lòd Final la, anka objeksyon kont Lòd Final la depoze alè e anrèg, men ke okenn Opozan oswa moun ki objekte fè apèl kont lòd la aksepte oswa rejete objeksyon an; (ii) revokasyon final apèl kont Lòd Final la, si genyen, (iii) Afimasyon Lòd Final la de fason sibstansyel, si genyen; (iv) si yon desizyon vin pran nan tribunal apèl pou afime Lòd Final la, alòske pandanstan peryòd petisyon yon brèf certiori vin eskpire; oswa (v) si yo depoze yon petisyon pou brèf certiori regadan Lòd

Final la, petisyon an denye oswa revoke oswa, si petisyona favorab, e gen kòm rezulta, afimasyon Lòd Final la de fason sibstansyèl.

5. **Rezilyasyon:** Ankake youn nan kondisyon oswa evènman ki dekri nan paragraf 4A-E anro a pa ta rive, tout Akò a ànile e envalid, eksepte ke Opozan yo kapab gen opsyon pou dakò alekri pou rènonse evènman oswa kondisyon an epi kontinye ak règleman Prosè a avèk eleman modifye. Anplis, anka nenpòt evènman oswa kondisyon dekri nan paragraf 4A-E anro a pa satisfè oswa pa rive, amwenske yo te denye, eleman ak provizyon Aranjman an pa gen fòs ni efè ankò nan sa-a ki konsène Opozan yo, Group la, e kondisyon sa-yo pa kapab itilize nan okenn lòt aksyon ni okenn jijman, epitou tout lòd Tribunal la bay konsènan kondisyon Aranjman sa-a pèdi valè.

6. **Mosyon pou Aprobasyon Preliminè:** Osito ke li fezab apre siyati apoze pou Aranjman Akò a, Plentif Atitre yo pral depoze Mosyon ak Memorandòm pou Sipòte Aprobasyon Preliminè Aranjman Propoze a ak Relach devan Tribunal, ansanm ak Sètifikasi Kondisyonèl Group la, Apwentman Avoka Group la ak Avoka Anchèf Group la, Aprobasyon ak Direksyon plan Notis la, ak Apwentman Administratè Notis yo pou mande bay yon lòd ki ta, pou objektif aranjman sèlman:

1. aprouve Aranjman Akò sa-a de fason preliminè;
2. sètifye Aranjman an Group la ak kondisyon selon Federal Rule of Civil Procedure 23(b)(2) ki enkli manm Group règleman an;
3. apwente Avoka Group la ak Avoka Anchèf Group la;
4. aprouve Plan Notis propoze ansanm ak CAFA selon Akt Ekitablite Aksyon Kolektif [Class Action Fairness Act] 2005, 28 U.S.C. §1715, nan fòm sibstansyèlman similè ak Prèv “C-E” ki atache la; epi

5. programe yon Dènye Jijman Ekitab. Defandan yo pa pral opoze mosyon sa-a, yo pral dakò ke Aranjman Akò a ta dwe aprouve avan sa san konteste sètifikasyon kondisyon Aranjman an Group la.

7. **Sètifikasyon Group pou Objektif Règleman Sèlman:**

A. Opozan yo dakò pou mande ke Tribunal la ki prezide sou Prosè a sètifye klas ki suiv la selon Rule of Civil Procedure 23(b)(2) pou objektif règleman sèlman:

Tout moun natirèl ki posede lisans kondui otomobil, kat idantifikasiyon oswa rejistrasyon machin depi 1 jen, 2000 rive 30 septanm, 2004.

Sètifikasyon Group la ak apwentman reprezantan Plentif ak reprezantan Group la ap oblige respekte konsènan règleman Prosè a. Ankake Akò sa-a tèmine konfòmeman ak kondisyon li epi Dat Règleman an poko rive, oswa Tribunal la pa aprouve Akò a, Sètifikasyon Group la pa egziste ankò, Prosè a ap kontinye kòmsi Group la pa te janm sètifye, Opozan yo ap retounen nan *statu quo ante* epi Defandan yo pral kenbe tout dwa pou fè objeksyon pou Prosè pa kontinye kòm prosè kolektif.

B. Paske Règleman Group la sètifye kòm group obligatwa selon Federal Rule of Civil Procedure 23(b)(2), Manm Group Règleman an pa kapab soti nan Règleman Group la.

8. **Dedomajman Ekitab ak Kredi Finansye an Relasyon ak Dedomajman Ekitab la:**

Defandan yo dakò e aksepte bay dedomajman ki suiv yo:

A. **Dedomajman Ekitab.** Defandan yo site e yo resevwa agreman DHSMV sou ki ajans ki pral patisipe nan Règleman Akò sa-a e yo dakò pou enplemente dedomajman ekitab ki dekri nan sa-a ki suiv:

1. **Transparans.**

1.1 DHSMV pral enprime yon deklarasyon sou lisans Florida (“DL”) ak sou

notis rejistrasyon machin Florida (“DMV”) e sou GoRenew.com, ki pral refere moun ki resevwa notis yo pou yo ale sou yon Paj Web ki montre lwa e politik Florida ak lwa Federal DPPA spesifikman (Paj DPPA a). DHSMV pral ekri menm enfòmasyon sa-a nan biro kote piblik la konn ale.

1.2 Nan Paj Web DPPA a, DHSMV pral mete yon lyen ki refere rekizisyon dosye piblik e ki pral bay enfòmasyon kijan pou obtèni non ak adrès konpanyi ak moun ki te achte enfòmasyon proteje nan men DPPA (DPI) selon egzanpsyon DPPA, ikonpri revandè otorize, ansanm ak yon deskripsyon papye yo te rekizisyone ak tou egzanpsyon DPPA ki te pemèt yo rekizisyone e resevwa enfòmasyon an. Pral gen yon nòt sou Paj Web DPPA a pou eksplike ke DHSMV pa an mezi detèmine ki dosye DPI an patikilye yo te devwale bay DHSMV ak lòt antite.

1.3 DHSMV gen pou kreye yon Paj Web pou piblik la nan ¶1(A)(1) anro a {ekz., Paj Web DPPA a) ki dedye pou etabli lwa federal ak lwa e politik Florida ki gen rapò ak DPPA. Paj Web sa a pral relye dokiman piblik an rekizisyon nan fason ki dekri nan ¶1(A)(2) anro a.

2. **Staj pou pou pèsonèl.** DHSMV gen pou prepare epi enplemante politik ak prosedi alekri, pou itilize nan preparasyon staf an konfòmite ak politik e prosedi DPPA, pou pèsonèl DHSMV ki responsab pou reponn lòt moun sou rekèt dosye DPPA.

3. **Kreyans Kliyantèl.** DHSMV pral gen pou modife fòmilè HSMV 85054 ansanm ak chak memorandòm akò avèk revandè DPI yo pou mande rekizisyonè DPPI deklare entansyon yo kòman yo pral itilize DPI sa-a, anba sinksyon lalwa pou parjur, epi pou yo fè deklarasyon ke DPI sa-a pral itilize sèlman pou objektif ke DPPA otorize.

4. **Aderans a Egzijans DPPA.** Defandan yo pa kapab, an konesans de kòz, obtèni, devwale, ni itilize enfòmasyon pèsonèl ki soti nan dosye DHSMV pou objektif DPPA pa

otorize.

B. **Dedomajman Lajan.** DHSMV dwe kredite \$1.00 bay chak Manm Group ki anrejistre, oswa renouvre rejistrasyon otomobil yo ak DHSMV ant konte 1 jiyè, 2009 rive 30 jen, 2010. Chak Manm Group la atitre kredi sèlman pou \$1.00 san konsiderasyon pou konbyen machin li genyen anrejistre pou peryod aplikab la. Si yon Manm Group anrejistre oswa renouvre rejistrasyon sou plis pase yon machin pandan peryòd aplikab la, \$1.00 kredi ap aplike sou premye machin ki anrejistre a.

C. **Dedomajman Depans.** Opozan yo dakò ke enjonksyon dedomajman pou Agreman sa-a sibstansyèl, kalkilab e bèneftisyè tout Group la. DHSMV ap sibi tout depans asosye pou li konfòme ak Dedomajman ke Agreman sa-a egzije.

D. **Depans pou Notis ak Administrasyon Règleman.** Defandan yo ap mete ansanm pou responsab depans pou voye notis bay group règleman an, ak tout depans administrasyon règleman an depi Tribunal aprouve Plan Notis la Règleman Akò ofri.

9. **Prim Ensantif:** Opozan yo dakò ke Plentif yo adekwa pou reprezante Group la pou objektif règleman. Si yon mosyon pou aprouve Akò sa-a san opozisyon rive nan Jijman Final ak Desizyon, avoka Plentif yo pral mande Tribunal la peye chak Plentif yon sòm de Twa Mil Dola (\$3,000.00) kòm prim ensantif pou patisipasyon yo kòm group reprezentatif nan Prosè a, epitou ke Defandan yo gen pou peye nan trant (30) jou apre Dat Akò a. Defandan yo aksepte pou peye e yo pa pral opoze demand prim ensantif la, e yo va peye montan sa-a, an konfòmite ak kondisyon Agreman an.

Kalite konpansansyon sa-a se pou peye avoka kont fidisyè ke Asistan Avoka anchèf la va deziyen. Defandan yo gen pou peye prim ensantif sa-a separeman, e li pa pral redui bèneftisyè Group la ni redui obligasyon Defandan yo pran anba Akò a.

10. **Avoka Group, Onorè ak Pri:** Opozan yo dakò ke Avoka Group la adekwa pou Group la nan objektif règleman.. Avoka Group la pral aplike pou peman, e Defandan yo dakò pou peye san objeksyon, Avoka Group la resevwa yon prim pou depans avoka ak ranbousman nan montan De Milyon Uitsan Senkank Mil Dola (\$2,850,000.00). Defandan yo gen pou peye lajan sa-a separeman, e li pa pral redui bènefis li bay Group oswa Plentif yo, ni redui okenn lòt obligasyon Defandan yo pran anba Agreman an. Defandan yo gen pou peye Onorè ki preskri pou avoka nan trant (30) jou apre Dat Règleman an nan men avoka fidisyè ke Asistan Avoka anchèf la deziyen.

11. **Okenn lòt Obligasyon Finansyè kont Defandan:** Defandan yo pa pral gen responsabilite ni pa pral oblige peye okenn frè, depans, pri oswa debousman, ni sibi okenn depans anfavè okenn lòt moun, ni dirèkteman ni endirèkteman an koneksyon ak Agreman an, anplis de montan an oswa montan yo ke Agreman mande yo peye ekspreseman.

12. **Relach:**

A. Nan Dat Règleman, lè Lòd Final la fin bay, Plentif yo ak tout manm Group la, youn pa youn e tout ansanm, pou yo-menm, avoka, mari oswa madanm, ekzekitè, reprezantan, eritye, siksesè, oswa asiyasyon, an konsiderasyon relach ki preskri nan Agreman sa-a, gen pou relache Defandan yo konplètman e ajamè de tout reklamasyon oswa kòz legal pou dedomajman legal likide an konfòmite ak DPPA, ansan ak domaj pou vyolasyon DPPA selon 42 U.S.C. §1983 kòm pou tout manm Group la. Manm Group la dakò tou pou rènonse tout reklamasyon ke yo poko rènonse e pou relache Defandan yo selon Règleman Akò sa-a ak sistèm aksyon preskri nan Règ 23 Federal Rules of Civil Procedure oswa ekivalan onivo Leta lokal.

B. Règleman Akò sa-a ekspreseman rezève dwa Manm Group la pou inisyé yon prosè pèsònel pita ki mande peye pou domaj aktyèl anba DPPA.

13. Prosedi pou Enplemantasyon Règleman:

Pa pita ke dis (10) jou apre tout Opozan yo ekzekite Akò a, Avoka Group la pral rekòmande Tribunal, nan yon mosyon pou aprouve Agreman sa-a san opozisyon e pou Tribunal la bay yon Lòd Final ke Prosè a regle selon kondisyon Agreman sa-a e pou Tribunal la mande Opozan yo vini nan yon odyans pou prezante Agreman an bay Tribunal la pou deklare ke Agreman an rezonab, ekitab, e adekwa pou satisfè Prosè a.

14. Twazyèm Konplent Amande: Avoka Group pral soumèt yon mosyon aksepte inanim pou absante ale depoze yon Twazyèm Konplent Amande pou mande aplike Rule 23(b)(2), Fed.R.Civ.P., kòm sipò nan fòm ke Prèv “A” preskri pou Aranjman Akò sa-a. Ankake Aranjman Akò sa-a pa aprouve alafen, Tribunal la ap konsidere twazyèm Konplent Amande a vakan epi prosè sa-a pral kontinye pou Dezyèm Konplent Amande ak tout repons li.

15. Notis:

A. Plentif yo dwe voye notis aranjman an bay ofisyèl Federal ak Leta Florid, ki anrèg avèk egzijans Prosè Ekitab pou Group la [Class Action Fairnes of 2005, 28 U.S.C. §1715 (“CAFA”)] (via Federal Express) pa pita ke 10 jou apre yo depoze Aranjman Akò sa-a nan Tribunal. Yon kopi CAFA propoze a atache ladan kòm Prèv “B”.

B. Manm Group la dwe resevwa notis konsènan Aranjman Akò fason ki preskri nan Prèv “C” Akò a:

Depatman Sikilasyon [DHSMV] pral responsab depans Plan Notis la ansanm ak administre, enplemantasyon li atravè piblikasyon nan jounal ki sikile ajèneral nan Leta Florid, osibyenke poste enfòmasyon an sou Paj Web li. Objeksyon alekri oswa deklarasyon alekri pral depoze e konsève nan biro Grefye Tribunal United States District Court pou Southern District of Florida.

Plan Notis la itilize plizyè piblikasyon ak notis Enternet deziyen pou atenn anpil nan manm Group la. Detay notis la enskri nan Prèv “C”.

16. **Aprobasyon Tribunal:** Tribunal la predikte Akò sa-a obligatwa ak sètifikasyon Règ 23(b)(2) pou Aranjman an Group la, kòm defini anro a, tout moun dwe patisipe. Tranzaksyon ak demach ki la yo sijè a aprobasyon Tribunal la epi a deklarasyon Lòd Final konfòm ak Règ 23 Federal Rules of Civil Procedure. Opozan yo ansanm pral mande Tribunal bay Lòd Final la ki pral enkli sa-a ki suiv:

A. Aksepte ke Tribunal la gen jirisidiksyon sou Mnam Group la, Opozan yo ansanm ak jirisidiksyon sou kalite prose a konfomeman ak DPPA e 42 U.S.C. §1983, epitou pou aprouve Aranjman an;

B. Aprouve Aranjman an ak agreman propoze a kòm ekitab, rezonab e adekwa, konsistan e an konfòmite ak provizyon lwa aplikab, konsènan chak moun nan Group la e nan meyè enterè yo; otorize enplemantasyon Agreman sa-a dapre kondisyon ak provizyon li; epi deklare Agreman an obligatwa pou Plentif yo ak tout lòmanm Group la ansanm ak eritye yo, ekzekitè ak administratè, siksesè ak asiyasyon, epitou prezèvre *res judicata* ak efè esklizif nan tout prochen prosè an sispan oswa lòt prosedi ki antre nan relach ki preskri nan paragraf 12 anro a, mentni pou e anfavè Plentif yo ak tout lòt Manm roup la, osibyenke eritye yo, ekzekitè, administratè, siksesè e asiyasyon;

C. Sètifye Group la ak kondisyon selon Federal Rule 23(b)(2) pou objektif règleman sèlman;

D. Deziyen Plentif yo kòm group reprezantatif epi avoka pou Plentif yo nan Prosè aavoka Group la;

E. Deziyen Asistan Avoka anchèf kòm li defini nan kesyon an;

F. Rekonèt ke Plentif ak Avoka Group la reprezante Group la de fason adekwa pou objektif antre nan Aranjman an e enplemane règleman ki an kesyon an;

G. Aprove peman yon prim ensantif bay Plentif yo an konfòmite ak Agreman an;

H. Aprouve peman onorè avoka ak depans pou Avoka Group la an konfòmite ak Agreman an epi òdone avoka anchèf la pou li distribiye prim nan selon Agreman an;

I. Fèmen Prosè a (enkli tou reklamasyon endividyle ki vin presante) sou merit e ak prejidis, san frè oswa depans pou okenn opozan eksepte fason ki preskri nan Agreman sa-a;

J. Enkòpore relach la kòm preskri nan ¶12, epi fè relach la efektif nan dat Lòd Final la;

K. Anpeche epi anjwenn tout Manm Group la an pèmanans pou yo pa (i) inisyé, depoze, prosekte, entèvni oswa patisipe (kòma manm grop o lòt) nan okenn prosè nan okenn jirisdiksyon ki an relasyon ak reklamasyon ak kòz aksyonki antre nan pèspektiv relach ki preskri nan ¶12 Agreman sa-a, e (ii) organize Manm Group la kòm yon group separe ak objektif pou pou suiv sou nom Aksyon kolektif okenn prosè (enkli chèche amande yon konplent an sispan pou ajoute alegasyon group, oswa chèche sètifikasyon group nan yon aksyon an sispan) sou baz reklamasyon ak kòz aksyon ki nan pèspektiv relach ki preskri nan ¶12 Agreman sa-a; e

17. **Entegrasyon ak Redaksyon:** Opozan yo anplis dakò ke okenn Opozan ni avoka pa gendwa di se yo ki redije Agreman sa-a. Agreman sa-a ak tout prev ki atache ladan konstitye tout agreman an ant Plentif yo ak Defandan yo, e pèsonn pa reprezante garanti ni ensitasyon anvè okenn Opozan konsènan Agreman sa-a oswa pprev li apa reprezantasyon, garanti ank antant ki kontni e memorialize nan dokiman yo.

18. **Modifikasyo, Aprobasyon Tribunal, Ekstansyon:** Agreman sa-a kapab amande oswa modifye alekri, siyen anfavè tout Opozan yo oswa siksesè enterè yo. Agreman sa-a pa sijè a modifikasyon san konsantman alekri tout Opozan yo, epi yonfwa Tribunal aprouve, nenpòt lòt modifikasyon oswa amandman ladan oblige resevwa aprobasyon Tribunal, pouvi ke, sepandan, Opozan yo kapab dakò fè modifikasyon sa-yo epi enplemente dokiman (enkli dokiman ki la yo) san notis oswa aprobasyon Tribunal, si chanjman sa-yo konsistan ak tout fè materyèl an respè a Lòd Final Tribunal e ki pa limite dwa Manm Group la. Opozan yo rezève dwa, sijè a aprobasyon Tribunal, pou mande ansanm nenpòt ki ekstansyon tan ki ta kapab nesesè pou satisfè nenpòt ki kondisyon Agreman sa-a.

19. **Prèvs:** Prèv ki ladan, si genyen, enkòpore isit kòm referans e antre mo pou mo, e kondisyon pou tout prèv ekspreseman fè pati de Agreman an.

20. **Renonsman:** Nenpòt Opozan ki renonse okenn vyolasyon nan Agreman sa-a pa reprezante ni pa kapab sèvi kòm renonsman pou okenn lòt vyolasyon, menmsi se avan, apre oswa anmenmtan Agreman sa-a fèt.

21. **Siyati Otorize:** Tout reprezantan siyen di ke yo otorize pou antre nan Agreman sa-a anfavè kliyan respektif yo oswa nenpòt Opozan nan Prosè a. Chak avoka oswa lòt moun ki egzekite Agreman sa-a oswa nenpòt Prèv anfavè nenpòt Opozan garanti ke moun sa-a gen tout dwa pou li fè sa-a.

22. **Agreman pou Egzekite an Kontrepatti:** Agreman sa-a kapab ekzekite plizyè fason oswa kontrepatti telekopye, nan men chak Opozan ak moun ki siyen an plizyè pati, e chak nan yo, lè yo ekzekite e delivre, konstitye yon original. Paj siyen ekzekite nan chak kontrepatti telekopye kapab jwenn ansanm pou konstitye youn e menm enstriman an.

23. **Itilizasyon Enfòmasyon Moun Aprann nan Prosedi Règleman an:** Opozan yo ak avoka yo dakò ke dokiman ak enfòmasyon ki disponib pandan Règleman de fason anfòmèl,

sou baz volontè, vini ak kondisyon ke okenn nan Opozan yoni Avoka yo pa kapab devwale dokiman oswa enfòmasyon yo bay lòt moun (apa ekspè ak konsiltan Plentif yo mennen an koneksyon ak ka a), ke dokiman ak enfòmasyon yo pa sipoze fè obje de kòmantè piblik, e Opozan ni avoka yo pa dwe itilize yo nan prosè litij si pa ta gen akò, oswa nan lòt prosedi; pouvi ke, sepandan, anyen ki nan dokiman yo pa anpeche Opozan ak avoka yo ale chèche enfòmasyon sa- yo de fason fòmèl oswa pou refere a egzistans kalite enfòmasyon sa-yo an koneksyon a nenpòt mosyon pou fòse dekouvrir enfòmasyon nan Prosè sa-a.

24. **Itilizasyon Règleman**: Pèsonn pa gendwa, nan okenn okazyon, itilize Agreman an ni okenn provizyon ki ladan oswa negosyasyon, deklarasyon, prosedi tribinal ki an relasyon ak agreman an, nan okenn fason pou yo tad di, ofri, resevwa oswa itilize kòm evidans nan okenn kalite prosè, aksyon, prosedi administrativ, jidisyal ou regilatwa, eksepte nan prosedi ki ta pètinan pou koze Depatman Lajistik Etaziniki refere nan Prèv “F: de agreman sa-a. San limite sa-a ki presede a, ni Agreman an, ni okenn negosyasyon relate, deklarasyon oswa prosedi tribinal pa ka sèvi, ofri, resevwa ni itilize kòm evidans, admision oubye konsesyon de okenn responsabilite, malfezans kelkilaswa de kikonk, enkli men pa limite a Defandan yo, Depatman Sikilasyon [DHSMV], oubyen renonsyasyon Defandan yo de nenpòt ki defans aplikab, enkli, san limitasyon, lòt limitasyon de statu preskri, statu fròd, oubyen kòm renonsyasyon de Plentif yo, reklamasyon Group, kòz prosè ou byen remèd.

25. **Notis**: Kelkeswa lè Agreman sa-a mande oswa kontanple ke youn nan Opozan yo ta dwe oubyen kapab prezante notis oswa dokiman bay younlòt, notis oswa dokiman sa-a dwe transfere an faksimile oswa an livrezon eksprès jou apre a (eksepte dimanch) fason ki suiv la:

Si se pou Defandan, voye li bay:

Chesterfield H. Smith, Jr., Esq.
Office of the Attorney General
PL-01 The Capitol

Tallahassee, Florida 32399-1050
Tele: (850) 414-3665
Fax: (850) 488-4872

Helen Ann Hauser, Esq.
Anna Volkova, Esq.
Restani, Dittmar & Hauser
201 Alhambra Circle, Suite 1050
Coral Gables, Florida 33134
Tele: (305) 445-4090
Fax: (305) 445-7728

Elizabeth M. Rodriguez, Esq.
Ford & Harrison LLP
Bank of America Tower - Suite 4500
100 S.E. 2nd Street
Miami, Florida 33131
Tele: (305) 808-2143
Fax: (305) 808-2101

Lawrence D. Smith, Esq.
Walton Lantaff Schroeder & Carson
9350 S. Dixie Highway, 10th Floor
Miami, Florida 33156
Tele: (305) 671-1300
Fax: (305) 670-7065

Robin Lotane, Esq.
Judson Chapman, Esq.
Michael Alderman, Esq.
Department of Highway Safety and Motor Vehicles
2900 Apalachee Parkway, Room A-432
Tallahassee, Florida 32399
Tele: (850) 617-3101
Fax: (850) 617-5112

Si se pou Plentif, voye li bay:

David D. Welch, Esq.
David D. Welch Law Offices
2401 E. Atlantic Blvd. #400
Pompano Beach, FL 33062
Tele: (954) 943-2020
Fax: (954) 782-1552

Tod Aronovitz, Esq.

Aronovitz Jaffe
Suite 2700 -- Museum Tower
150 W. Flagler Street
Miami, Florida 33130
Telephone: (305) 372-2772
Fax: (305) 397-1886

26. **Defandan yo Renye Malfezans:** Defandan yo ak Depatman Sikilasyon ekspreseman renye yo fè anyen mal konsènan alegasyon Prosè ae yo pa admèt ni konsede okenn fòt aktyèl ou potansyèl, malfezans oubyen responsablite an koneksyon ak fè oswa reklamasyon ki te ou byen ki ta kapab alege kont okenn nan yo nan Prosè sa-a. Ni agreman sa-a ni okenn dokiman ki refere ladan, ni okenn dokiman ki prepare an koneksyon ak li, ni menm okenn aksyon ki pran pou afekte règleman an, pa kapab konstitye ni itilize kòm admisyon oswa konsesyon Defandan yo, ni nonplis kont okenn nan yo.

27. **Garanti Plentif yo ak Afimasyon de Bònfwá:** Chak Plentif eksprèsman afime ke alegasyon yo fè nan pledwari ki depoze nan Prosè a te fèt ak bònfwá e yo pa admèt ni konsede ke okenn reklamasyon alege nan Aksyon an manke merit. Chak Plentif reprezante e garanti ke li (i) te dakò pou sèvi kòm reprezantan Group la yo propoze pou sètifye isit la; (ii) gen volonte, kapab e prè pou pèfòme nenpòt devwa ak obligasyon yon reprezantan Group la, enkli nesesite pou rete disponib, epi enplike nan dekouvri ak jwen fè yo; (iii) te konsilte ak Avoka anchèf la, oswa ak nenpòt lòt avoka yo kapab genyen, apropos Aksyon an, Agreman an ak obligasyon yo reprezantan Group; (iv) kwè ke direksyon règleman propoze a ki dekri isit la ekitab, rezonab e adekwa; (v) ak rete e sèvi kòm reprezantan Group, jiskaske obligasyon Agreman efektye, règleman rezoud an konfòmite ak kondisyon Agreman sa-a, oswa Tribunal la, nenpòt kilè ta detèmine ke Plentif yo pa kapab kontinye reprezante Group la; (vi) pa pral mete objeksyon kont règleman propoze a, epitous (vii) pa pral mande apèl kont, ni mande revizyon okenn lòd ki aprouve pou règleman an.

28. **Kooperasyon pou Efektye Règleman an:** Opozan yo, siksesè oswa asiyasyon yo ak avoka yo ap travay pou empleante Agreman sa-a de bònfw, pou itilize bònfw nan rezoud nenpòt diskisyon ki ta monte nan enplemantasyon kondisyon Agreman sa-a, ei pou koopere antyèman ak younlòt nan chèche aprobasyon Agrenman sa-a nan Tribunal e pou yo itilize meyè efò yo pou efektye konsomasyon pronmp Agreman sa-a ak règleman propoze a.

29. **Efè Obligasyon an:** Agreman an pral yon obligasyon, e pral etabli pou benefisyé Opozan yo, eritye yo, siksesè yo, administratè legal ak asiyasyon yo.

30. **Konte Tan:** Tout peryòd tan preskri isit la pral konte an jou travay si se dis (10) ou mwens, e an jou kalandriye si se plis pase onz (11) jou ou plis, amwenske agreman founi lòt fason. Nan konte nenpòt peryòd tan preskri oswa pèmi nan Agreman sa-a oswa selon lòd Tribunal la, jou tranzaksyon an, evènman an, oswa dat defo kote peryòd deziyen kòmanse kouripa konte. Dènye jou peryòd ki kontrole konsa dwe konte, amwens se samdi oswa dimanch, jou konje legal, oswa, lè tranzaksyon tki pou fèt la se ranpli papye nan Tribunal, yon jou kote klima a oswa kondisyon fè moun pa ka rive nan biro Grefye Tribunal la, nan ka sa-a peryòd la pral kouri jis fen jounen apre a si se pa youn nan jou ki mansyone anvan yo. Kòm itilize nan souseksyon sa-a, “konje legal” enkli Premye janvye, Martin Luther King, Jr. Day, Presidents’ Day, Memorial Day, Independence Day, Labor Day, Columbus Day, Veterans’ Day, Thanksgiving Day, Nwèl ak nenpòt lòt jou Kongrè oswa Prezidan an deklare jou konje nan Etazini oswa Florid.

31. **Lwa ki Gouvène:** Agreman sa-a ak tout lòt ki soti ladan pral gouvène anba e entèprete selon Lwa Leta Florid, eksepte pou provizyon lwa ki an konfli.

32. **Negosyasyon de Bònfw:** Opozan yo gen lentansyon regle Agreman fason li preskri kòm rezolisyon final e konplè de tout dsikisyon te genyen konsènan Prosè a. Opozan yo dakò ke dedomajman ekitab ak yout lòt kondisyon Agreman an te negosye an bònfw antr Opozan yo, e li reflete règleman ke you rive jwenn volontèman apre cah opozan konsilte konseye

legal konpetan. Opozan yo rezève dwa pou refite, nan fason ke chak opozan detèmine ki apropriye, nenpòt kontansyon ki fèt nan nenpòt milye piblik, ke Aksyon an te regle, jije, oswa defann ak movèzfwा oubyen san baz rezonab.

Dat: _____

MARY ANN COLLIER

Dat: _____

ARTHUR L. WALLACE

Dat: _____

ROY McGOLDRICK

Dat: _____

ROBERT PINO

Dat: _____

FRED O. DICKINSON, III

Dat: _____

CARL A. FORD

Dat: _____

SANDRA LAMBERT

**STATE OF FLORIDA, DEPARTMENT
OF HIGHWAY SAFETY AND MOTOR
VEHICLES**

Dat: _____

SIYATI_____

ROBIN LOTANE
Neil Kirkman Building, Room A-432
2900 Apalachee Parkway, MS-1
Tallahassee, FL 32399-0500

**OFFICE OF THE ATTORNEY GENERAL
OF FLORIDA**

Dat: _____

SIYATI_____

CHESTERFIELD H. SMITH, JR.
PL-01 The Capitol
Tallahassee, FL 32399-1050
Tele: 850-414-3663/ Fax: 850-488-4872

Dat: _____

ELIZABETH M. RODRIQUEZ
Florida Bar No. 821690
FORD & HARRISON LLP
Bank of America Tower - Suite 4500
100 S.E. 2nd Street
Miami, Florida 33131
Attorney for Defendant Carl A. Ford

Dat: _____

HELEN ANN HAUSER
Florida Bar No. 353906
ANNA VOLKOVA
Florida Bar No. 392073
RESTANI, DITTMAR & HAUSER, P.A.
201 Alhambra Circle
Suite 1050
Coral Gables, Florida 33134
Tele: 305-445-4090 / Fax: 305-445-7728
**Attorney for Defendant Fred O.
Dickinson III**

Dat: _____

LAWRENCE D. SMITH
Florida Bar No. 323594
**WALTON LANTAFF SCHROEDER
&CARSON**
9350 S. Dixie Highway - 10th Floor
Miami, Florida 33156
Tele: 305-671-1300 / Fax: 305-670-7065
Avoka Defandan Sandra Lambert

Avoka Plentif:

Dat: _____

DAVID D. WELCH
DAVID D. WELCH LAW OFFICES
2401 E. Atlantic Boulevard, Suite 400
Pompano Beach, FL 33062
Tele: 954-943-2020 / Fax: 954-782-1552

TOD ARONOVITZ
Florida Bar No. 186430

ARONOVITZ JAFFE
Suite 2700 - Musuem Tower
150 W. Flagler Street
Miami, Florida 33130
Tele: 305-372-2772/Fax: 305-397-1886

PETER A. PORTLEY
Florida Bar No. 112563
PORTLEY AND SULLIVAN, P.A.
2211 E. Sample Road
Lighthouse Point, FL 33064
Tele: 954-781-7600 / Fax: 954-941-3469

JOEL S. PERWIN
Florida Bar No. 316814
JOEL S. PERWIN, P.A.
Alfred I. DuPont Bldg. Suite 1422
169 E. Flagler Street
Tele: 305-779-6090 / Fax: 305-779-6095

LAWRENCE D. GOODMAN
Florida Bar No. 712647
JOHN W. DEVINE
Florida Bar No. 708607
DEVINE GOODMAN PALLOT RASCO & WELLS P.A.
777 Brickell Avenue, Suite 850
Miami, Florida 33131
Tele: 305-374-8200 / Fax: 305-374-8208